

欽定臺規

三

欽定臺規卷三十三

稽察五

考試

鄉會試監察○順治八年題准順天鄉試及會  
試差滿漢御史各二人監試○十四年題准現  
停滿洲蒙古漢軍考試其監試應停差滿洲御  
史○十七年議准房官闈中作弊許主考不時  
糾叅若主考官通同作弊許監試御史不時糾  
叅○十八年題准順天鄉試差漢御史二人入

金人三  
卷三十三  
場總理諸務二人管理摺檢會試差漢御史二人爲內場監試二人爲外場監試○康熙三年奉

上諭監試巡察御史除應迴避者不開外其餘各員都察院開送禮部列名題請○十年題准滿洲蒙古漢軍復行鄉會試點察止用漢御史未經議及滿員今鄉試旗下生監漸多一應查點出入關防內外不可無滿洲監察御史嗣後鄉會試仍兼差滿洲監察御史○十二年都察院題爲監試

# 事奉

旨監試御史啟奏本章。理應兼書滿漢字。照爾衙門所議著帶筆帖式。○十八年議准。順天鄉試會試。內簾應添設滿漢御史各一員。內簾監試御史在聚奎堂。向上設座。帶筆帖式一員。在會經堂左右歇宿。不與文事。專行糾察弊竇。場內擬題。四書掣定幾章。每題每人各擬一道。俱送正副主考。寫籤入筒。聽御史當堂拈掣。正副主考同考入闈。各歸本房。不許私訪聚談。至擬題閱卷。同考

官將各薦卷置放當中案上。御史驗看。若無私通小帖。正副主考收閱。如有此等情弊。聽御史糾叅。正副主考同考分閱之時。御史同坐一堂。每日天晚停閱之時。將所閱硃卷查取數目入箱。正副主考與御史共加封鎖。次日公同開閱。不許私帶入房。如違聽御史糾叅。同考如有暗通正副主考。姑容取中。御史卽刻題叅。若同考不將佳卷盡數呈薦。並將荒謬之卷妄薦者。正副主考會同御史查明題叅。同考不許將不應

密圈密點之文滿篇圈點呈主考止用句圈句點御史驗明送正副主考詳閱圈點照例註批填榜之後卽行封鎖進場之時主考各帶三人同考各帶二人御史照定數摺檢放入如正副主考同考暗帶主文假襄僕從跟入內簾者御史查出將本官交與吏部從重議處其跟進之人交與刑部從重治罪頭場二場三場如有埋藏偷換等弊聽御史嚴行根究題叅重處以前順天鄉試內簾未設御史其封門分卷等項俱

欽定臺規 卷三十三  
三  
係正副主考管理今後內簾既設御史其封門發題進卷分卷關防一應諸事俱應御史管理會試內簾悉照鄉試各款遵行○三十六年停止內簾監試○三十九年復設內簾監試滿漢御史各一人○四十四年奉

上諭今年順天鄉試聲名不佳人或怨其不公又聞試卷不加圈點者甚多應試者各執落卷以示人又作草人至試官家門砍之觀其舉動人怨殆不可言矣果不圈不點可謂之閱卷乎想汪霽等亦無詞以對

也朕在避暑處點汪霽姚士轟爲正副考官以爲出人意料朕親手封發當不復生弊矣由此觀之亦不在此但存乎其人之所行而已科場之設以爲選擇人才之地於此事而行之不正雖學問優長何益之有汪霽姚士轟著解任以其考試聲名問九卿詹事科道至科道官乃朕倚爲耳目而用之者專在言職考官不閱試卷考試不公何不叅劾亦將此問科道官大學士等遵

旨以汪霽姚士轟鄉試事問九卿詹事科道等據九卿

等云汪霽等考試不公不閱卷人皆怨之是實  
據科道云聞怨汪霽等之言但無實據是以未  
曾糾叅○雍正元年特開

恩科

欽定順天鄉試第一場四書題

欽定會試第一場四書題其二三場試題由考官擬出  
照前恭進內簾先莊寫一通向

闕設案恭捧安置主考等官行一跪三叩頭禮進  
呈不過卯辰二時鄉試順天府尹捧進會試禮

部堂官於朝房等候儀制司官於場前等候監  
試御史俟內簾傳出進呈題紙同提調官齎捧  
出至大門內立覲面明交卽將場門封閉○二  
年奉

旨聞中謄錄弊端甚多其有賄囑者則謄錄精工否則  
潦草舛錯致誤佳文著知貢舉監試御史嚴行申飭  
其謄錄不工者必重加責懲令其重錄並令對讀官  
嚴飭各生悉心校對勿使錯誤儻外簾官失察日後  
發覺將該管官一併議處○六年議准鄉會試外簾

官私閱試卷許監試御史題參○七年議准鄉  
會試筵宴該衙門委官專司其事如有吏役從  
人玩法擁擠者卽行拏究監試御史將該管官  
指名題參○十一年議准至公堂監試御史向  
例隨帶筆帖式二員並無委派之事請停其隨  
帶卽以筆帖式所住官房一所令至公堂書吏  
辦事以便與膳錄人等一例封鎖關防○乾隆  
四年奉

上諭科場試士時夾帶文字入闈乃士子最不堪之劣

習若不嚴行查禁則荒疏不學之人多得僥倖入彀而真才轉致遺棄於掄才之典大有關係著監試御史先行出示曉諭臨點名時再加告誡務將來帶之弊盡行革除仍有不肖之徒玩視功令者卽行叅奏交部照例治罪毋得姑容○六年奉

上諭入場之時監試御史等必須嚴加按檢不可虛應故事儻有寬縱疏漏必將該管官從重議處○又奉上諭凡有關涉科場情弊者著都察院五城御史步軍統領順天府內外簾監試御史卽行嚴拏治罪不稍

寬貸○又議准順天鄉試監試提調官令彌封所官於各役彌封時毋得容別所人役擅行往來彌封後親送堂上約謄錄所官眼同交收毋許兩所人役近身私語謄錄所官令書手謄寫工楷如有草率淡抹者卽行責懲仍令重謄對讀所官務令一對一讀庶無差誤監試等不時稽察並嚴飭各所實力奉行如有不遵將該管官題叅○九年奏准順天鄉試外場巡察御史均由該處先期奏請

欽命於七月二十八日卽往貢院大門外住宿凡運  
送供給及進院夫役並主考同考官從役均由  
外場巡察驗明按檢以杜執事人役代士子懷  
挾之弊再入旗送考之參領並每翼委出轆門  
之參領姓名先期行文各旗開送外場巡察如  
送考之參領等官不按旗分任憑士子濫行及  
輒門參領一任送考之人擁擠該御史題參其  
各省貢監等亦於輒門外各增守備一員協同  
點名給籤如守備等約束不嚴該御史題參所

有官旗民籍一例嚴按如有徇私卽將監試官糾叅會試亦照此例行○又奉

上諭國家寶興大典原欲得品行端方文學優贍之人以爲朝廷有用之材成菁莪棫樸之治無如科場之中易藏弊竇我

皇考加意整頓數科以來內簾之關節已覺肅清而外簾夾帶等弊一時難除近則日益加甚朕早已聞知屢行申飭至再至三並非不教而罰也今當鄉試之年又復先期告誡以爲若輩自謹遵功令痛自悛改

矣。乃昨日頭場點名。朕命親近大臣數人前往監看。竟搜出懷挾二十一人。或藏於衣帽。或藏於器具。且有藏於褻衣禪袴中者。其喪心無恥。至於此極。朝廷之取士。蓋欲用之也。旣欲用之。朕安肯不重待之。而若輩自輕自賤。若此。以稱先法古之徒。竟同鼠竊狗偷之輩。冥頑不靈。不可化誨。若不立法嚴查。則諸弊何由而除。真才何由而見。若欲擇人而施。又何從預知其情弊之有無。而爲區別乎。滿洲原有進身之路。弓馬技藝。何者不可見長。而必勉強於文場。以思僥

倖於萬一。旣欲讀書取進。則當潛心於學。恥爲穿窬。至江浙之人。未必不能作文。而乃存弋獲之心。爲苟且之計。以致惡習相沿。視爲泛常。違條觸法而不知。虧體辱親而不顧。士習日壞。風俗日漓。朕於執法之際。實惻怛哀矜。而深以不能化導。抱愧於心也。查懷挾生員內。同陵泰。乃少詹事僊保之子。圖敏。乃原任禮部侍郎穆臣之子。伊等平日旣不能教訓其子。又復縱容犯法。咎亦何辭。科場懷挾。原有處分。父師之例。茲特申明其令。僊保。穆臣。俱著交部嚴加議處。嗣